

Պաշտոնաթող եղավ, ԿՈՒՍԱԿՑԱԾՈՒՆ ԶԵՂԱՎ

Արցախյան շարժման ակունքներին մոտ կանգնած վանաձորցի գեղանկարիչ, ԲՀԾ անդամ, նախկինում Լոռի-Փամբակի ոստիկանության կազմակերպված հանցագործությունների դեմ պայքարի բաժնի պետ Արամ Նազարյանը, որ պաշտոնաթող եղավ դեռևս նախորդ իշխանությունների օրոք (թեպետ կուսակցափոխ չեղավ), վերջին տարիներին բնակվում է Վանաձորի մերձակա գյուղերից մեկում, զբաղվում է հողագործությամբ, սակայն ամիսը մի քանի անգամ այցելում է մարզկենտրոն՝ անհրաժեշտ գնումներ կատարելու (այդ թվում՝ ընդդիմադիր թերթեր, որոնք նա հատուկ իր համար պահել է տալիս կրպակներից մեկում): Վանաձոր կատարած նմանատիպ այցելություններից մեկի ժամանակ Արամ Նազարյանին «բռնեցողիք» Տիգրան Մեծ պողոտայում ընդդիմադիր թերթերը թելատակին, եւ, առիթից օգտվելով, մի

փոքր զրուցեցինք:
 - Պարոն Նազարյան, մամուլում նշվել էր, որ «Ղարաբաղ» կոմիտեի Վանաձորի կորիզի անդամների մի մասը ձերբակալված է, մի մասը՝ փախուստի մեջ: Ինչպես տեսնում ենք, բարեբախտաբար, Դուք ազատության մեջ եք: Ինչպե՞ս դա Ձեզ հաջողվեց:
 - Ճիշտն ասած, ես էլ եմ զարմացած, որ ազատության մեջ եմ, բայց մինչ օրս ինձ ոչ մի ոստիկան չի դիմել, չի անհանգստացրել: (Ի դեպ, վանաձորցիներից մեկը, իմանալով, որ Նազարյանին նման հարց ենք տվել, խոստովանեց, որ ինքն էլ է նրան այդ հարցը տվել, եւ Նազարյանը նեղացած ասել է. «Ինչ է, ուզում էիք անպայման ինձ է՞լ բռնած լինեին»):
 - Դուք դիտե՞լ եք ԲՀ գլխավոր դատախազի այն հեռուստատույթը, որտեղ նա, ըստ էության, Ձեզ ակնարկելով, հեզնել էր, թե «Նախկինների իշխանության ժամանակ միջակ նկարիչը կա-

րող էր դառնալ կազմակերպված հանցագործությունների դեմ պայքարի բաժնի պետ»:
 - Հա, գիտեմ, ես չեմ դիտել Աղվանի ելույթը, բայց ինձ պատմել են: Ոչինչ, ես դա իրեն ներում եմ: Ա. Նազարյանը փորձեց խոսակցությունը թեքել դեպի արվեստ, բայց մենք նրան կրկին վերադարձրինք դեպի քաղաքականություն:
 - Մամուլում նշվել էր, որ ԲՀԾ Վանաձորի կառույցի ղեկավար, կալանքի տակ գտնվող Ռուբիկ Ռսկանյանը ցուցմունք է տվել ԲՀԾ մի քանի անդամների դեմ (որոնց թվում՝ 66-ամյա Մեսրոպ Չաքարյանի, որի դատաքննությանը մենք անդրադարձել ենք ապրիլի 15-ի համարում): Ինչպե՞ս կլուծվի կուսակցությունում Ռսկանյանի մնալ-չմնալու հարցը: ԲՀԾ-ն նրան կհեռացնի՞ շարքերից:
 - Մինչեւ Ռսկանյանը ազատության մեջ չգտնվի, նրա հետ չխոսեմ, չիմանամ՝ ինչ պայմաններում է ցուցմունք տվել, չեմ կա-



րող տեղի ունեցածին գնահատական տալ: Միգուցե ճնշում է գործադրվել նրա նկատմամբ: Չրույցի ընթացքում Արամ Նազարյանը հայրենասիրական ոգով ելույթի անցավ եւ, իր մասին խոսելով երրորդ դեմքով, ասաց. «Նազարյան Արամը եսօր կարա գնա Ամերիկա, Անգլիա, Իսպանիա, բայց չի գնա, իր երկիրը, իր հայրենիքը չի թողնի...»:

Ես էլ եմ զարմացած, որ ազատության մեջ եմ, բայց մինչ օրս ինձ ոչ մի ոստիկան չի դիմել, չի անհանգստացրել: